

քական օգնութիւն, որ նշանակում է եղբայրական փոխադարձ օգնութիւն: Հրաւիրուած գիւղացիք ամենայն սիրով և պատրաստականութեամբ գալիս են իրենց բահ ու բրիչներով, իրենց ուրազ ու կացիններով և խմրովին աշխատելով, մի երկու օրում, նոր տուն են շինում և ապա գոհ սրտով գնում են իրենց տները: Այս հաւաքական օգնութիւնը և եղբայրական փոխադարձ աջակցութիւնը գիւղացիք անտրտունջ կատարում են այն մարդկանց համար, որոնք իսկապէս օգնութեան և աջակցութեան կարօտ են՝ թէ վարուցանքի, թէ հնձի և թէ ուրիշ ծանր աշխատանքների ժամանակ: Հարկաւ «մեհաջի»— հաւաքական օգնութիւն հասնող գիւղացիների ուտելն ու խմելը հոգում է հրաւիրող և եղբայրական օգնութիւն խնդրող գիւղացին: Ահաւասիկ ձեզ ճշմարիտ քրիստոնէութեան վայել բնկերսիրութեան և փոխադարձ հաւաքական օգնութեան սքանչելի մի սովորութիւն, որ իբրև մի ընտիր օրինակ և գեղեցիկ կողապար կարող է լինել մեր բոլոր Հայ գիւղացիների համար: Միայն ցաւ ի սիրտ պիտի ասեմ՝ ավստս և հազար ավստս, որ այսպիսի ընտիր յատկութիւններով օժտուած և երկրագործութեան սիրահար մի բուն Հայ ժողովուրդը խարխափում է անասանական տգիտութեան և թանձրը խաւարի մէջ: Գինէ այսուհետև շատ ու շատ ցանկալի է, որ մեր բանասէրներն ու հնագէտները, մեր բանիմացներն ու գրագէտները շրջէին Ուտիացոյց աշխարհում, ուսումնասիրելով հետազօտէին նրանց անցեալն ու ներկան և ապա այս